

کتاب طیب

اون بش کونده بر نشر اولنور دینی ، علمی مجموعه اسلامیه در

صاحب و مدیر مسئول

ابو العلا زین العابدین

تاریخ تأسیسی

۱۳۳۰

عدد : ۶ ۲۶ رجب سنه ۱۳۳۰ پنجشنبه ۲۸ حزیران ۱۳۲۸ برنجی جلد

يادماضي

ما بعد

تاريخ هجرى ۱۲۹۳ سنه سى جاذى الاولى سنك يديسنه تصادف ايدىكى بركون ايدى كه عكاده ناكهائى مناديار سلطان مراد خان خامس حضرت تارينك جالس اورنك سلطنت اولديغى اعلان ايتديلر . ايرتمى كون وياخود بر ايبى كون صكره عفو واطلاقزه اراده سنه شرفتملى ايتديكى ناطق مقام صدارتن متصرفله رساله برقيه كلدى .

بونك اوزرينه بعض احبا دخى برلكده اولدقلى حالده نوري بلكه ناصريه كيتك . بو قصبه كندى نامنه منسوب قضائى مركزى وعكانك جنوب شرقيسنده اتى ساعت مسافهده واقعدر . باشلامده كنهلر ، صرتلرمزده مشاحلر اولدينى حالده رفاقمزده بولنان ذواتله آتله بئدك و [شفا عمرو] طريقيه زيتونلكردن كچدك ودره لر تپه لر آشدق ، نهايت بر قىالى تپه طرماندقدن صكره بر سطح مائل اياه اينهرك او لطيف و دلگشا قصبه واصل اولدق .

معلومدر كه عيسى عليه السلام قدس شريف جوارنده كائن [بيت لحم] ده تولدايتمشيدى بعض اقرباسى او عصرده ملك يهود اولان [هرود] طرفندن خوف واحتراز اوزره بولندقارندن والده سيله برلكده كنديسنى الوب مصره نقل ايتديلر وهرودك فوقى اوزرينه ينه ارض فلسطينه دونهرك حضرت مسيحك تعميدينه قدر ناصريهده اقامت ايلديلر . ايسته قصبه مذكوره حضرت عيساك محل نشوونماسى اولديغى چون ذات شريفارينه ناصريهلى دينلديكى كې ينه بو معنايه متفرع اولهرق خريستانلاره [نصارى] ومفردنده [نصرانى] دينور . هر سنه قدس شريفه كلن زوار جناب مسيحك نشأتگاهى اولان بو قصبه ده دخى على الاكثر اوغرايهرق زيارت ايدرلر .

قصبهده حضرت مريمك التجاگاهى اولان اوزون وطولامباجلى بر مغاريه بزه مواصلمزك فرداسى كون زيارت ايتدك . بومغاريه ، اوزرينه لايئناظر طرفندن انشا ايدلمش واطرافى رهاينك بيتوتارينه مخصوص عالى ومكلف بنالره قوشادلمش بر كليسانك دروننده محراب طرفندن بر قاچ باصمق ايله زمين معبد ائين چفته مرمر نردبانك وسطنده واقع قبودن كيريلور . كنيساده مشارالیهانك غايت دلربا بر تصويرى بولنديكى كې يوسف النجارك رسمى

دخی اعزّه نصارانك تصاویری اده سنده تعلیق اولمشدر. غار شریفك زیارتندن صکره دائره رعایینه کچدك. بزی ایلرویه کلن رهبانندن برینك اوطه سنه الدیلر، طانلیلر، قهوه لوله اعزاز واکرام اولندق. اوطه اولدقجه قیمتدار اشیا ایله مزین، صاحب حجره پیانو ایله بزه بر ایکی هوا چالیدی. اورادن چیققدق، قصبه یی براز طولاشدق. اقشامه طوغری مسافر بولندیغمز خانه یه کیدرکن کوردك که کنار شهرده بر قویو باشنده تئاری غایت بیاض وهری دشت ملاحظده بوی صالمش برنازنین بری پیکر برچوق قیزلر طولانمشلر صو چکیورلر؛ کیمیسی دستیسنی طولدیروب اوموزنه المش کیدیور. کیمیسی قوزیارینه صو ویریور، بر طاقی ده نوبتلرینی بکلیه رك بری برلیله کولوب اویناشیورلر. ایکی کیچه ناصرده قالدقدن صکره ینه کلدیگمز بولدن عکایه عودت ایتدك.

ارتق فکر ومطالعه لرمن بشقه جهته معطوف اولدی. اوان رحلت حلول ایله :

جرس فریاد میدارد که بر بنید محملها

ترانه سی هر دم ولطفه قولاغمزده طنین انداز اولیور اییدی. بر طرفدن اشیامیزی طولایه رق و بر طرفدن احبا و اودا ایله تعاطی زیارات وداع ایدرك لویید شرکتنك حیفایه اوغرایه جق واپورینك ورودینه منتظر اولدق وورودندن برکون اول بر جم غفیر ایله قلعه قیوسنك اوکنه قدر تشییع اولته رق عکادن، بزی اوچ سنه وکسور مدت مهمان ایدن او بلده قدیم نامداردن چیققدق. برقاچ سنه دئیری معارفه پیدای ایتدیگمز احباب ایله قلعه اوکنده کی مفارقتمز يك سوزشلی اولدی. بعض ذوات واپوره قدر تشییع ایلدیله. انلر ایله برلکده حاضر بولنان [کروسه] لره بنوب حیفایه کتدك و اوکیجه مدعو بولندیغمز بر خانه ده قالدقدن صکره ایرتسی کون اورادن واپوره را کبا و اوچ سنه دن زیاده نسیم لطفی استیامدن محروم اولدیغمز یاغخت عثمانی یه متوجهاً دکنره اچلدق.

فرداسی کون صباحلین، واپور بیروته اوغرا دیغندن اوزمان اوراده عسکر قوماندانی اولوب عکایه بر مصلحت ضمننده کلش اولدیقی ائنده کورشمش اولدیغمز بحار محمود باشانك طوغریجه زیارته کتدك و اوراده صباح قهوه التیسی ایتدکدن صکره پاشا ایله برلکده قالقوب، بیروتمه کی اقامتگاهنده بولنان جبل لبنان متصرفی رستم پاشای زیارت ایتدك. رستم پاشانك دائره سنده کوردیکم او دأب و ترتیب ملی حالا کوزمك اوکندن کتمز؛ بزه التون ظرفی فنجانلره قهوه لر، نفیس بوغچه نوتونیله طولدیرلمش یاسمین چوقلر کتوردیلر.

او تاریخہ سورہ والیسی بولنان حدی پاشا از میرہ تحویل مأموریت ایتمش اولدیغندن خلفہ انتظاراً بیروته ایتمش ایدی ، بو وسیلہ ایله مشارالہمدہ ملاقی اولدق . مرحوم اثنای صحبتندہ : « اگر خلفم کلش اولایدی ارقداشاری بولندقلری اسکله لدن الہرق از میرہ قدر سزکله برلکده کیدردک » یولندہ تلطیف والتفات سیوردیلر . اوکونکی زیارتلر من مشارالہمدہ منحصر قالمیوب بیروت متصرفی علی بک [او زمان بیروت متصرفلق ایدی] وعکادہ ایکن مخابرہ لشدی کمز [دائرۃ المعارف] مؤلفی بستانیلر وسائر بر چوق ذوات ایله کورشدک واقشام اوستی واپورہ عودتلہ او کیجہ سورہ سواحلنہ الوداع . . دیدک .

برکت زاده اسماعیل حق



اعتذار

بکن نسخہ [یاد ماضی] ده بر کله نك املاسندہ خطا ایتمش : « شم الہواء » یازیلہ جق ایکن سہوآ « شم الہوی » صورتندہ نقش اولتمش معلومدرکہ [ہوی] هانك فتحي والفك قصریلہ ، عشق واغرام معناسنہ در . [ہواء] ایسہ عناصر اربعہ دن بیلدی کمز جرم بسیطہ اطلاق اولنور . تعبیر مذکورده ایکنجیسنک مراد اولدیغنی سولیکہ حاجت یوق .

اسماعیل حق



هرکونک مستدسی :

نسل آتینک تعلیم و تربیہ سی

ملکتنک سعادت مستقبلہ سی رصین وامین اساسلرہ استناد ایتدیرمک ایچون بوکونکی نسلک یاریشکی خلفلرینی یشایہ جقلری عیطہ کورہ تربیہ ایتمک ایجاب ایدر . نسل آتینی وراثت وسوق جیلی نك بی امان تأثیراتندن ممکن مرتبہ قورتارہرق ارادی برحیات فعالہ یہ حاضر لاق ، آنجق دائمی وتعب نایدیر مساعی سایہ سندہ میسر اولور . انسانلر حیاتک ادوار اولیہ سندہ : بالجلہ موجودات عضویہ کبی ؛ سوق طبیعی و وراثتک محکومیدرلر .